

Universitätsbibliothek Paderborn

**Joannis Pierii Valeriani Bellunensis Hieroglyphica, Sive De
Sacris Ægyptiorum Aliarumque Gentium Literis,
Commentariorum Libri LVIII**

Valeriano, Pierio

[Lipsiae] ; Francofurti Ad Moenum, 1678

Philosophia communicata.

urn:nbn:de:hbz:466:1-14259

A sent, qui quod absq; potu, ciboq; diu perseveraverat, ita redditio deposito expiraverit. Sed quid il-
lud quod apud Plutarchum de Pyrrho fertur? nempe eum aliquando factum obviam Cani, qui ca-
daver herile custodiebat, ubi triduum absque cibo permanerat: quod cum Pyrrhus sepeliri jussisset,
Canem sibi diligenter curandum imperaverit: evenit ut haud ita multo post Pyrrhus exercitum lu-
straret, assidebat regi Canis, tacitusque quiescebat, cum interim interfectores heri, nomina daturi
præsto fuerunt, exiliit statim Canis ubi eos adesse vidit, magnoq; hostes latratu incessans ad Pyrrhum
identidem respectabat, ut non illi solum, verum omnibus qui aderant facti suspicionem concitarit
ingentem. Correpti igitur illi, minimisque quibusdam indicis conquisiisti, celus confessi sunt, atque
ita penas jussi pendere. Fuit & alter Pyrrhus ab rege illo, qui tanta fidelitas Canem habuit, ut cum
mortuus & in rogo positus esset, subfecutus itidem Canis in pyram se se conjecterit, & concremari
pertinacissime voluerit. Fuit & Polo histrioni apud Græcos celeberrimo Canis, qui post impositum
rogo dominum, in easdem sponte se conjecterit flamas: & alius eodem quo saltator Theodorus
sepulchro conditus fuerat, Catellus includi voluit. Jamque & Eupolidis Poëtae comici Canis Au-
B geas nomine celebratur, qui mortuo sepulcho domino præmōre & ipse contabuit, erepti do-
mini desiderio tandem extinctus.

PHILOSOPHIA COMMUNICATA. CAP. XI.

Hieroglyphicum & Cerberus argumentum habet: Græcorum enim nonnulli non incongrue
forsan existimarent, abstractum Herculis opera ex osculis Erebi penetralibus tricipitem Cer-
berum, patefactam ab Herœ Philosopiam, quæ prius in arcanis delitescebat, indicare. Ea vero
una cervice contenta, tribus distinguuntur capitibus, quorum unum Rationi, Naturæ alterum, tertium
Moribus inservit. Unde prater edomita tot monstra, Herculem ipsum ferunt sagittas in Juno-
nem jaculatum, & Plutonem etiam telo, ut Homerus inquit, trifulco fauciasse. Philosophus enim
vir, dum solerti indagine sublimia quæque perveftigat, nactus aliquid, captu dignum, mente veluti
pennato quodam utitur telo, donec quicquid illud fuerit assequatur: Neque quidem locus ullus
est, neque abscessus tam remotus, tam abditus, tam inaccessus, quo non pervenerit Philosophia.
CTerra siquidem hæc penetralia perscrutatur, quod est Plutonem ipsum telo impetrere, atque etiam
ferire, hoc inquam est rerum naturam enancisci, tot in orbe terrarū monstra domitat, ferinos quip-
pe mores componit, & civilibus, honestis & utilibus legibus addicit: ut de Poeta Flaccus etiam ait:

---- Peccus, præceptu format amicis,
Afferitatis & inuidie corveator, & ire.

Cerberi mythologia.

*Hom. lib.
de art post.*

Celum demum incendit & inde quicquid rationi obnoxium esse potest aucupatur, cunctaque pro-
spectat, & ad amissionem omnia num recta sint, explorat. Herculis ad hæc clavam, qua heros is fuerit in
domitandis monstros usus, Philosopiam, monstra vero animi vitia significare interpretatur in Flo-
ridis Apulejus. Atque, ut ad Cerberum revertar, sunt qui rem simpliciter accipiunt, caninis eum ca-
pitibus effictum a Poëtis, propterea quod Tartareus cultos habeatur. Historiam tamen Hecatæus
Milesius super eo tradit, Serpentem in Tenebro fuisse, quem ea de causa Canem appellariint, quod
mortuus esset admodum lethifero, hominesq; quos icisset, statim interficeret, eumq; ab Hercule deduci-
tum ad Eurystheam. Sed hæc scriptorum semper fuit licentia, ut ex commodo quicunque suo fabulas
Dconfingeret. Mihi autem magis arridet fragmentum prius positum, qui tam præclaros viros tam e-
rudite rem ipsam interpretari videam.

ANUBIS. CAP. VII.

Addemus & Anubim Deum per Canis effigiem ab eisdem Aegyptiis figuratam: de quo veteres
quidam historici prodidere, una eum cum Osiride gigantes ex Italia pepulisse. Canino vero
capite fuisse eum, eo commentum, quod Iidis & Osiridis corpora custodierit, quod, uti dictum est
superius, Canibus est admodum peculiare: eaque de causa Canem galeis insculpi morem esse, quod
in veterum numis complasculis observavi.